

Sextus uncias octo, quae supersunt horarum numero, et bisse vocantur. Haec omnia 798  
propter facilitatem cognoscendi cursum lunae in unam coacervavi formulam, si tamen Sept.  
veraciter inventa est ratio, quam vestra excellentissima quaesivit sapientia.

## 156.

*Alcvinus Arnoni archiepiscopo Salisburgensi de nepote eius quodam scribit; de regis  
5 reditu, de papa aliisque rebus certior fieri cupit; ad superna desideranda hortatur.*

798 Sept.

*Codd. S fol. 192—193', S 1a fol. 101—104', S 1b fol. 199—200 (S 1\* fol. 1'—5'), fragmentum exstat  
apud D fol. 232', quod contulit V. Cl. Simonsfeld.*

*Edd. M 1, F 55, J 107. — Migne col. 238.*

10 VENERABILI PATRI ET AMABILI FRATRI ET DESIDERABILI FILIO IN TOTIUS CARITATIS  
IOCUNDITATE SALUTEM.

Satis mihi placet concordia inter filium meum<sup>a</sup> et fratrem tuum, quem vocatus  
visitare venisti. Et bene fecisti me hortando ad caritatem eius reverti, unde num-  
quam aversus fui; licet dubitationem aliquam agnovissem de mea fide in tuis sua-  
15 vissimis apicibus.

Quod vero dixit, ut habuissem eum in domo ad erudiendum, nullatenus a quo-  
quam ante audiui. Tamen scias, quod in camera humilitatis superbiae non placet  
habitare; quia, quod illa aedificat, hoc ista destruit. Ecce ego, quantum in me est,  
apertas habeo manus amplectari venientem, non respuere precantem. Hoc apud omnes  
20 servare praefinivi, ut nullum abicerem<sup>b</sup>, sed quemcumque potuissem adtraherem<sup>c</sup>.  
Quanto magis de tam probato viro et tam laudabili persona et tantis mihi bonis ex  
multo tempore coniuncto credere descidium<sup>d</sup> non debuit sancta et venerabilis pru-  
dentia vestra.

Quod vero de filio meo, fratre et nepote tuo<sup>1</sup>, durius scripsisti, videat caritas et  
25 pietas tua, ne inanis fiat labor noster, et ne perdatur<sup>e</sup> anima, pro qua Christus mori 1. Thess. 3, 5.  
non dubitavit. Ecce eum remisi tuae dilectioni, ut facias de illo, sicut videatur pru-  
dentiae<sup>f</sup> vestrae: in tua enim potestate est vel ille vel beneficia quae habet. Fac  
secundum quod ex illius intellegas ante oculos tuos meritis, non secundum verba in-  
vidorum. Nihil<sup>g</sup> enim mecum potest<sup>2</sup> in tristitiae spiritu proficere. Unum e duobus  
30 mihi videtur consilium aut ex nostra gratia eum domno regi<sup>3</sup> commendes, vel tecum  
habeas, donec agnoscas ex illius conversatione, quid de eo<sup>h</sup> utile sit; donec iterum  
nostra volente Deo conlocutio fiat. Aliquid tamen ut habeat consolationis, forte melius  
est, secundum humilitatis et oboedientiae promissionem, ne continua absorbeatur 2. Cor. 2, 7.  
tristitia. Et si Witto veniat ad vos, apud eum discere potest.

35 Et si Deo volente veniat<sup>4</sup>, vide diligenter, ne inanis fiat habitatio illius vobiscum;  
ut, quantum me tristificat absentia illius, tantum vos laetificet praesentia; et defectus  
meus vester sit profectus. Et si aliquantum temporis vis eum in monasterio<sup>i</sup> Sancti  
Hrodbercti<sup>k</sup> 5 demorare, necesse ei esset propter adiutorium hominum linguaeque

156. <sup>a</sup>) filio meo S, S 1. <sup>b</sup>) abiecerem S. <sup>c</sup>) adtrahere S, S 1. <sup>d</sup>) descitum scripsit J. pro  
40 descidium S, S 1, quod mihi potius discidium esse videtur. <sup>e</sup>) perditur S 1. <sup>f</sup>) providentiae S. <sup>g</sup>) nil S.  
<sup>h</sup>) de eo S 1; deo S. <sup>i</sup>) monasterium S, S 1. <sup>k</sup>) Hrodberti S 1.

1) Hildegario cf. infra epp. 193. 194. 2) nepos ille Arnonis. 3) Carolus igitur coronam imperialem  
nondum acceperat. 4) Witto seu Candidus (cf. de eo supra p. 248, infra p. 255). 5) Salisburgensi.